

樂志堂詩集

樂志堂詩集卷二

南海 譚 瑩玉生撰

崔退菴司馬心齋孝廉昆仲人日招同游花埭各
園林觀牡丹

粵中名花無牡丹開當人日人爭看香中倍覺晴日麗
艷極偏耐東風寒花埭春游浹歲慣紫爛紅稠迭相間
人經院院閑似鷗花況年年到如雁載花船總江南回
花未盛放春先催絳幃如烟玉頰膩茜袖欲唾羅裊開
誰數木棉與躑躅嶺外奇花豈不足逢迎千里待主持
管領羣芳忍拘束萬花谷裏花相當最知名者唯花王

從頭屈指計花事花幸南來始全備獨產此地尤非凡
屈作寓公詎無意何似託根終不移綠章特奏通明知
人生去住皆幻耳花如見許花端癡花非粵產胡不樂
詠花無如粵人作不見前朝花狀元才人頰首蓮鬚閣
無詩相貺花當嗔率爾能爲花寫神欲開未開轉難悉
花信初番會未畢上元重過補以詩預借百花生日日

閒吟四首

一春冷雨復淒風歲歲春愁迴不同補屋牽蘿傷窈窕
閉門種菜誤英雄百年夢覺晨鐘裏萬慮消融卯酒中
不到小園知幾日露桃花放淺深紅

風濤巖嶮似曾經人海虛舟許暫停狂未敢希聊學狷
醉猶難獨况當醒謀生易使英豪困樂世端須筆研靈
鍵戶著書何日事素交能者亦晨星

休論成佛與生天夢作邯鄲也夙緣象板銀箏疑隔世
疆環團扇又中年短衣射虎偏閒甚長鋏思魚亦枉然
奢望草堂貲早辦款門漸富鬻文錢

舊游消息半京華裴儿蘆簾處士家婦未解吟煩洗研
兒纔學語報呼茶危機乍履銛如戟世味原知薄似紗
九十韶光拋擲易羨人奔走閱風沙

香石廣文招飲且云作東方之烹不能赴也書此

謝之

一月歡場醉百巡
醒來肝膽尙輪囷
年時敢作封侯想
屠狗生涯且讓人

題三閭大夫紉秋蘭圖像

山鬼女蘿原別派
寒泉秋菊可同龕
千年並灑興亡淚
賸墨離離鄭所南

題看經士女圖

記從何處見娉婷
粥鼓齋魚繡戶扃
怪得口脂蓮樣似
此生猶誦法華經

綿濛積雨又江干
冪冪癡雲翦翦寒
管領春風前日事

枇杷花底坐蒲團

丙戌中秋夜送友人入都口占一絕句

辛漸樓頭月正圓計程小雪駐吟鞭已無親養名心淡
一聽驪歌亦愴然

夢醒

夢醒匆匆過別舟艣聲催作判春

名園

游微聞薌澤如中

酒不負韶光舊典裘山遠翠疑琴蘂溼花明紅傍笛船
流黃鵬三請鷗前導又醉連宵仁月樓

生朝口占贈人一絕句

一樽相對倍魂銷舊事重提不自聊歲歲總宜船載酒

展花朝日作生朝

題紅拂畫扇兩絕句

帝王衡鑒女兒心豈向坤靈扇牒尋偏與文君同越禮
功成不賦白頭吟

太原公子別匆匆風虎雲龍顧盼中此事豈全關慧力
街頭磨鏡亦英雄

綠萼梅同夢秋作

清高人說九疑仙

見梅譜

慘綠丰裁豈少年僧眼碧同誰

耐冷佛頭青甚汝逃禪松陰相倚綿濛濕苔印難尋的
皦圓未必染衣煩柳汁儘教開到百花先

信是前身萼綠華人疑葉綻始逢花青童豔絕論傾國
碧玉何曾屬小家唾點著衣香蘊藉靚痕入畫影橫斜
裁冰翦雪渾難比滴粉搓酥擬更差

綠珠風格總憐君到墜樓時不可聞空谷天寒宜翠袖
短籬日落歎青幫峻嶒俯照波千頃掩映翛然竹二分
低擁雲鬟仍似玉道粧誰愛酒微醺

翠羽明璫各賞音枝條純碧

見梅譜

歲寒心贈人恰配檀

香格

見雲仙雜記

對汝休彈綠綺琴么鳳未棲疑倒挂雙蛾

淺畫稱斜簪東風第一誰能占青帝艱難特地尋

聽濤樓歌爲伍春嵐都轉作

議郎宅圯松枝橫藤癭節節相支撐二千餘年雪聲歇
依然風景蕭瑟兼泓崢月明如晝天風清泉聲竹聲相
錯鳴魚龍不寐鼓瑤瑟鸞鶴並下吹瓊笙忽作海水風
濤聲鯤壑倒圻鮫宮傾枚乘筆健未敢賦馬援弩勁何
能爭宛如萬馬環軍營非金非鐵齊縱錚萬里雲雷入
行陣四山草木森甲兵主人兀坐移孤檠心耳俱爽神
不驚讀書林間命酒榼作畫樹底支茶鐺善畫主人門地
皆簪纓挂冠神武原難并蠻貨遙通慰南顧軍儲獨
辦供西征誰曾逃利與逃名此間卜築九非輕飽聽松
濤海濤睡獨穩夢醒推窗看月行黃木灣空日杲杲白

雲嶺峭雲英英勳華何者足千古山水真能移性情顧
我獨嗟塵網攪行窩隔江還隔城吟花歎竹屢相遇爛
醉乍聞先解醒何時移居竟遂卜鄰願素琴一張棋一
枰南雪高蹤邈難企暫此瓣香同祀十先生

時春嵐方
校刊南園

前五
子詩

粵秀山文瀾閣落成詩

嵯峨傑構倚斜陽三閣全分翰墨香嶺海生材需景運
湖山極望拱文昌藏書地有祥雲擁擲研風餘寶月光
我亦尋常登眺者憐才感遇思茫茫

霸氣銷從鎮海樓百年風雅屬茲邱堂開學海留新墨

院闢文瀾感昔游豈必英靈須此地卽論流覽亦千秋
憑闌點筆紛翹首已訝蓬萊第一流

科名錄盡占巍峩節鉞頻頒異數多南海冠裳知極盛
曲江風度竟如何中流砥柱驚新築大雅扶輪且放歌
會見百川東障日橫剗蛟鱷斬鼉鼉

山環玉柱更瑤簪低首峯巒盡蓋函水擊三千風九萬
雲浮西北日東南培才左驗惟高第應運能生卽偉男
白顧離襠如野鶴壯懷棖觸轉先慙

白鸚鵡十二首

雪衣娘子玉精神珠閣銀櫳見獨真庭院落紅驚短夢

關山明月證前因由來清淨難言佛敢信文章始誤人
莫笑朱門歌舞隊此生曾未著纖塵

不稱金籠稱玉籠樓臺楊柳自春風何知芳草傷心碧
漫比桃花特地紅野店新霜逢郭浩空山斜日見何忠
身心不動渾閑事悟到華嚴色本空

繡領紅衿儼列行天然風韻縞衣裳此番標格仍歌者
絕世聰明却道粧位置本來羞孔翠羽毛何必效鸞凰
雲堦月地清如水獨汝枝頭說上皇

偏繫紅綰思不禁瑤軒玉檻晝沈沈懺除綺語渾無術
生恐新寒較易侵苦欲分明原豔鳥絕無雕飾是靈禽

江東袁謝才如繡却爲凡姿作賞音

司空見慣也魂銷玉距金瞳望轉遙似此累儂驚蛺蝶
有人云汝類鴟鴞等閑回首曾誰覺珍重梳翎不自聊
長念觀音經亦苦聲情偏欲倣周韶

冰華玉色認依稀睡有狸奴願已違簾下水精呼小玉
幃遮雲母迓楊妃美人誰復歌紅豆使者今先換綠衣
一枕夢迴思舊約紗牕紅日對薔薇

疎燈樓閣月黃昏敎曲聲停與細論繡枕恰聞冰乍裂
薰籠初炷玉先溫六朝賦手顏光祿一代才名杜正元
豈復尋常知己者練裙綃脫亦叨恩

碧雲紅樹宛三生色似護花畫不成屏絕鉛華闕慧業
拋殘金粉話閑情江波黯淡金牌字庭月空濛響板聲
苦憶華清宮裏事惜無人與說生平

啄餘香稻蹴金桃瑣翻拍雲顧影勞顏色倍宜羅幔隔
風流偏集鏡臺高拌令玉爪翻棋局忍把霜翎付剪刀
摩詰近來脩潔甚賦成誰唱鬱輪袍

綠朝雲語近如何好和幽蘭白雪歌綽約生成心特巧
繁華閱盡偈庸多莫資談柄求鸚鵡父敢說脩名尙翠哥
杯酒無端頻喚汝相逢不復醉顏酡

撫背無因亦寡歡金花曾寫淚偷彈寶中易損風雲氣

竿上休言去住難名士神儀偏散朗賢姬風格類高寒
桂家姊妹多相識莫餉吳興赤玉盤

水珮風裳誤小蠻白家才調敢追攀祝融燄撲鴉翎濕
舍利光圓鶴頂環尺綺漫誇能達海黃冠何事不歸山
訶陵自覺長安遠咫尺羅浮竟未還

古城

吹落聲聲畫角哀巍巍百雉總蒿萊幾人尙作登臨想
此地應思保障才孤立偃然兵廨住鴉啼陡集女牆來
不堪重讀參軍賦峻洫崇墉賸劫灰

古祠

玉衣像設總飄零報養無人戶不扃四壁龍蛇風撼撼
一龕燈火雨冥冥靈均已去天誰問居士重題地或靈
記否水仙王廟過扁舟涼月酒初醒

古井

不作波瀾到此時輓轡朽盡綆安施英雄玉璽興亡恨
仕女銀瓶缺落悲鄰有菊花徵老壽徑多桐葉悵離披
胭脂狼藉丹砂盡一種心情若箇知

古碣

薜蘿纏綠薜花紅字半模糊語莫通姓氏果將期不朽
文章應亦悔徒工百年事業空山裏一代才華落照中

往復摩挲重嘆息韓陵片石已磨礱

六如詩

夢

身如葉墮竟安之醒後推尋亦自疑沈醉偶無原幸免
非因何者屢相欺便爲蝴蝶真憐汝果兆熊羆定屬誰
願續黃梁人不少此中福命也參差

幻

是何形狀強相呼欲問端倪恐已愚仙佛迴殊同隱現
鬼神僞作益虛無通靈遽作千秋想挾術難逃兩觀誅
天地古今原不測極尋恒處覓真吾

泡

鼓鑄憑誰問落潮須臾起滅去迢迢波濤巖嶮偏能現
風雨闌珊却易銷畧有聲情剛茗熟倏無形迹但萍漂
江湖久住尤憐惜畢竟相忘撥盡撓

影

月裏山河極壯觀看山水底破萍看日高鏡殿冰奩撒
風緊燈筵蠟炬殘顧似嬋娟憐亦誤問同魍魎答應難
十年面壁僧飛錫賸見苔痕繡石壇

露

寒月明隨葉脫柯如珠聚散託枯荷金盤富貴神仙至

銀甕隆平瑞應多
淒咽蟬餐秋漸老
蕭寥鶴警夜如何
蒹葭霜冷梧桐雨
一例銷沈卽殪歌

電

陡著鞭先劍忽藏
驪然天笑却飛光
閃如馬走驍雄譽
高料魚來職志詳
見新語
殆激怒雷催霹靂
不隨快雨久淋浪
詩繙變雅緣增感
爲谷爲陵話正長

羅浮圖歌爲智公作

羅浮豔說神仙都
挺壘盤陟交相須
浮來傳羅說倘誣
風雨離合均可娛
南嶽佐命龍門書
便推南嶽恐太諛
誰割左股於蓬壺
夸娥二子負以趨
飛雲絕頂天之樞

特遣重鎮南海隅四百三峯時有無陰晴雲海變態殊

缺橋鎖鑰爭盤紆石樓岼立高不孤安期仙翁九節蒲

藥爐丹竈皆秦餘繼踵葛洪兼鮑姑列仙獨詔山澤癯

黃泰彌石龐唐葉洗少問精廬千秋山水屬通儒村裏梅

花三萬株華首松聲風雨疎早當跨蝶凌清虛銅龍啞

虎爲先驅叮當紅翠如笙竽巖層岫衍皆坦途買山而

隱誰嗤余學書學劍存故吾塵中插脚胡爲乎幸子辱

示羅浮圖便思約子偕吾徒有約不到言終迂雙屐可

躡筇可扶濟勝無具乘籃輿築屋數弓田一區非仙非

釋非樵漁洒田復向麻姑租如此合作耕田夫山房辦

香供大蘇名山著述術已愚俯仰萬古原須臾還君此
圖增嘆吁詩成慘淡山靈逋興酣擲筆江樓居笑凌滄
洲仍里閭

十一月十五同集寄嶽雲齋和忠雅堂集消寒十
二詠同集者黃蒼厓提舉陳任齋詹簿春山竺
村兩上舍李秋田鄧心蓮鄭棉洲三茂才

寒鐘

天高聲足靖塵寰太華層冰不可攀破寺星霜千佛降
深山風雪一僧閒乾坤肅殺元音在蔬飯炎涼俗慮刪
聞說景陽行樂異薰籠坐對整雲鬟

又

擁被何知曉夜催
邯鄲好夢亦驚回
五更月落諸天寂
小至風酣萬壑哀
畫角吹殘纔手駐
蒲團坐穩也心灰
大千世界仙凡別
多半緣君猛省來

寒岫

各各玲瓏積雪深
絕無人迹况登臨
壑填榭葉風鳴谷
澗阻梅花月在林
秀極此時仍斌媚
蒼然四望總蕭森
秋山原比春山好
刊落浮華覺耐尋

又

峇堯萬古鬱風雷
賸水殘山陡割來
非霧非烟濃似墨

一邱一壑淨無埃
右丞雪景南宮雨
秦望松聲鄧尉梅
我欲翠微巔築屋
未妨相對北牕開

寒樵

米珠薪桂竟誰知
雪滿平林斧以斯
間答難期漁者至

淒涼端屑待人炊
元時復社難成醉
宋末吟社以陸氏

叢編盡補詩
陸龜蒙有見說東西樵
山可住殘年家近

不能移

又

雪深風急徑紆徐
瞥見端疑虎嘷餘
今日披裘仍訝汝
有人送炭轉愁余
伊誰邂逅容觀局
似此蕭閒稱讀書

槁木槎枒生意在萬山新綠閉門居

寒潮

關鎖篷牕說未知乾坤噓吸倍秋時長江挾雨聲聲怒
大海迴風度度遲嚴瀨冰開牢繫纜胥山木落遠尋碑
石門除夜儂曾泊宛聽樓船十萬師

又

晴天如挾雨冥冥勢盡東南不可聽興霸錦帆新跌宕
婆留鐵弩舊英靈風雷日月全無色鮫鰐鼉鼉總未停
獨立懸厓誰共語將軍重泐虎門銘

寒窗

漁莊閱歲此謀生擁絮辛勤夜結成萍葉隨波知節候
蘆花吹雪誤陰晴全家冒雨移難定破曉椎冰掛有聲
知否垂恩環索絡羊羔酒熟飽魚羹

又

偶然收放日臨流漁具難兼事事幽瘦蟹未應從此入
老蛟如泣爲君愁扁舟釣雪安橋柱孤枕聽潮挂舵樓
風力折綿佳釀熟羨魚無網願相求

寒帆

也比年光似擲梭江湖慣閱肯蹉跎依然若輩妨難駛
遍數天涯却儘多行路艱難兼雨上雪答人安穩極風

波自慙打鼓迴仍晚敢唱公無復渡河

又

雪撲瀾漫壓舵樓水程迢遞總難收江湖度歲何曾慣
風雨懷人不可留薄暝溯洄經別浦殘年漂泊認歸舟
屢從祖餞筵前見北雁飛時更欲愁

寒鴉

曾否昭陽識玉顏滿身風雪又江關炊烟別浦征帆裏
落照孤城粉堞間蒼茫仄邊愁趨萬甲

楊鐵厓詩阜鴉萬甲迷模糊

伶俜閨怨學雙鬟不堪門巷餘髡柳鎮日無人獨自還

又

攪風成陣影離離山木蕭森舊踏枝萬里帆檣爭飼汝
五更鼓角對啼時孤村流水飛無數野渡殘陽返莫遲
偏與騷人添韻藻阿廢宮殿佛狸祠

寒雞

干卿何事獨淒涼凍煞朝官

見石林詩話

一樣忙雨晦風瀟

聞喔喔青春白日去堂堂穀收場圃年剛盡人度關河
夜正長便作神仙原不易慣同塵世閱星霜

又

雪甚何知玉漏殘喚醒塵夢寸心殫星霜閱遍流年換
風雨聲沈永夜闌談論致佳當耐寂稻粱恩重敢求安

劉琨漸老懷空壯愧戀重衾起舞難

寒犬

風雨重關虎豹蹲
匡牀高臥主人尊
餘冬豈必時開逕
長夜依然半掩門
貴似狐裘原易盜
頒同鶴俸已難言
燈昏院寺蕭條甚
竟夕狺狺感舊恩

又

錦罽文茵事半虛
主人恩重藉驅除
風餐雪虐英雄老
物換星移戶限居
鴉舅隔牆啼歇未
狸奴別院睡酣初
村舂鄰火聲如豹
偶列山中寄友書

寒燈

見說豪家不夜天銀花火樹上元先鄰春正急無山鬼
佛座餘光照水仙環炭依然金戟在墮釵曾傍錦衾眠
老來經卷繩牀慣蠟淚成堆話昔年

又

一椽餘暉四照忙對牀擁被各評量紙牕竹屋論書味
酒市歌場激劍光終古寶幢依佛座五更孤艇返漁莊
何如豔說金蓮炬繡帽貂裘畫省郎

寒鑪

打牕風雪任闌珊灰冷偏留點雪難柏子香微參古法
諸糧味雋了晨餐何人畫省青綾被有客征途碧玉鞍

康節先生容易學異時統扇月團團

又

蕭瑟崢嶸漸改觀春回何處豈無端來占不速隨燒筍
詩話無題特炷檀送炭殷勤吾輩願窖花穠豔幾時看
十年宰相徒虛語啖芋于今乏嬾殘

寒研

呵凍書成墨也香森嚴面目慣風霜名山事業須遲暮
榮世文章及老蒼端士本來多冷落結鄰李衛公原愛
耐炎涼十年磨鐵桑維翰笑割燕雲誤石郎視名

又

呵凍研冰墨有聲
羨誰彩筆更縱橫
綠章急趁殘年上
羽檄恒催丙夜成
春帖懶書何可卻
雪詩禁體不成賡
况從地老天荒後
灑淚摩挲玉帶生

寒蔬

賞雪盤飧處士家
販從安肅貴無加
畫圖合補滕王蝶
風味難兼謝豹蝦
饋歲相將唯洛筍
偷春誰屑學唐花
黃雞紫蟹迎年酒
未似冰霜沁齒牙

又

英雄遲暮懶經營
獨掩柴關歲序更
卽屆殘年課童僕
仍知此味算公卿
萍薺豆粥誰方法
春韭秋菘試品評

太息小園無地築一畦
豔煞庾蘭成

柳波春柳曲

有序

爾其飛原不定庸管別離解得相思更宜圖畫流水本
魂銷之地東風尤腸斷之天歌板徐聽酒船牢繫藏鳥
不住走馬曾經依來總覺非花種後堪如此樹過落紅
之巷陌端爲句留枕軟碧之陂塘恰供裝點大有閒情
之賦能刪本事之詩況以段家橋畔蘇小門前扶荔花
濃茨菇葉爛偶幽居而作屋雨笠烟蓑慣迎接以渡江
單舟疊舸押舞衫之紅袖冒啼粧之翠翹當帘影而誰
題遮簫聲而遠出花曾撲面葉總當眉堂拓七間市鄰

三角風風雨雨掩白板以容敲歲歲年年倚赤闌而共
照旣而鴛鴦驚起蝴蝶分飛更攀折以奚爲豈風流之
頓盡屬棗糕之頻祀作銀鐙而不貽周監稅則離席有
詞李記室則臥裝誰盜韋鄂州之末座有伎不才白太
傅之荒園無人鎮日以至小玉初笄雲英遂嫁十分憔悴
一度鮮新嘲輕薄以誰甘笑顛狂而不必傷心色在
彈指聲銷經渡口而看桃花曷嘗迷路入山椒而延桂
樹祇任留人緣到帆檣青連研席十步竟無芳草三生
同似浮萍矣近已屏除綺債觸撥禪心原慙張緒當年
孰許韓翃名士擬將刀而斷水惜撈蓮之有絲明知幻

等空花庶使真同槁木人如石鼎

二樵集有柳波秋柳曲

轉刻意

以傷春地卽金城輒流涕而感舊記繙北里何須作悉
無題曲擬西洲誰願到猶有夢

珠江打槳去楊柳碧千絲大小學垂手短長論畫眉畫
眉臨水照花底舉簾笑門泊選花船吹笛何年少年少
易相親花濃雨似塵柳絲牽不住愁煞對花嗔對花花
不語揉花淚如雨海水春茫茫蝶惱花無主無主待郎
歸雕梁雙燕棲落花和淚點點著郎衣郎衣江上浣
愁比春潮滿一碧罨斜陽潮落歸帆轉歸帆日日多郎
歸妾爲歌一枝聊折贈離別奈春何離別原容易浪說

銷魂事銷魂去不還綠到濛濛地濛濛入畫樓君來妾
肯留篷牕關瑣久月上荔枝洲明月還依舊楊柳腰同
瘦種傍赤欄橋欄檻欹傾後橋北又橋南桃花滿禊潭
相逢今不忘睂影月初三

妾家珠水湄無限新栽柳栽柳復栽花花開人別久人
別柳青青花開轉不停柳花偏似雪颭水儘飄零飄零
原類妾分不如枝葉任隨東逝水免作香泥踏逝水盼
郎還蕭閒晝掩闌和煙和雨綠樓閣望夫山山色甘相
讓拂水真成浪風吹百子蓮雙鬟銀錠樣雙鬟時世粧
日日倚霞廊誰知妾命薄不比柳絲長絲長亦因風夾

水搖空碧人穿羅裳衣愈顯退紅色退紅如落花可待
郎還家春寒卻不覺柳陰彈琵琶仄琵琶聲久歇慘綠
何人折雞唱曉星懸翩然雨決絕決絕本因君青青愁
殺人青幫與縞悅彈淚幾經春經春楊柳枝吐花猶昔
時到秋如杜牧一首杜秋詩

稻花

香到柴門作米看田家春信吏民安百年左計躬耕懶
一段深情手掇難最是此時當護惜相期樂歲敢摧殘
不須重檢羣芳譜第一花開軼牡丹

豆花

爛紫交纏詎自持故當長占護花籬荒寒有月治牆瘦
開落無人蟋蟀知八月雨聲原特地爾雅翼八月雨爲豆花雨故園
秋色獨相思三軍半菽何曾飽切盼收成總不飢

菜花

界住斜陽不放歸萬金如簇鬪芳菲一番新雨鷺兒蛻
十畝東風鳳子肥寒食清明深巷遍斷橋流水故宮非
桃花淨盡春光好底事劉郎與願違

茗花

葉香推重賞無因從古知音獨潁濱差喜姓名如隱士
由來風味似佳人牛羊踏遍應須惜蜂蝶尋多恐已嗔

露比金莖消渴否文園春雨拗花頻

松花

天風吹下玉瓏鬆魚子嬌黃一撮濃磊砢尙餘金粉氣
芳菲誰認水雲蹤猿知釀酒心先醉鶴解收香夢亦慵
鎮日打琴聲似雨記曾華首第三峯

鐵樹

誰謂當時浪得名羣芳應許獨錚錚花非閱世終難見
葉未經霜也竟成偶傍穠華偏絢爛不知榮落是生平
欽寄留得三生石好謝春妍與訂盟

櫻竹

集元生詩集卷二
水石無緣也自栽數竿聊足蔭蒼苔身仍有節非無用
心不能虛亦可哀棄置敢嫌生隙地護持猶欲作名材
闌珊風雨支離甚大葉疎枝待翦裁

越王臺

武王臺觀此經營鹿苑中原意未平僻處遽能同楚漢
霸才誰屑類韓彭款誠容易何真比口舌偏難陸賈爭
紅素野花開似繡馬鞍岡接五羊城

甘菊芙蓉問故墟昔時歌吹已無餘獐獐弓劍平蠻策
嶺海文章報漢書韓氏託孤今有後呂嘉保境定何如
珊瑚孔翠蒲桃錦誰謂輸誠計總疎

虎踞龍蟠百越中依然偏霸亦英雄壯心豈但同劉龔
大義深明愧竇融勝廣幾人開殺運蠻夷大長勗精忠
旌旗簫管無從覓賸木棉枝落照紅

朝漢名臺積慮深舊基何處渺難尋勇如季布防南走
釁比盧循阻北侵霸業烏江亡國恨帝居黃屋老臣心
堠兵閒話興衰局日暮空城鼓角沈

白燕和袁海叟

不著纖埃亦復佳嬋娟誰許輒投懷鬱金堂角霞侵幌
碎錦坊東月滿街似此留仙真絕艷有人繡佛竟長齋
漢宮舊事休牢記聞道前生本玉釵

清門偏汝不曾疎賦洗巢詩

見今世說

特稱渠粉署風埃乘

月暫銀塘煙水啄泥初黃衫鬪草經春社縞袂尋花認

故居鬢未作霜根觸易魏公賓客石蒼舒

見過庭錄

鳳比桐花倍可憐白衣至幸白衣還鏡臺偶傍剛留月

釵股誰拋總化煙雕玉珮翻原颯纚爛銀袍著儘便嬛

石巢相浼春燈例錯認紅閨拾素牋

毛衣換却轉清華齊捲珠簾見影斜新寡宜逢王整姊

休祥偏稱馬樞家

見陳書

啄泥屑啖銀苗菜帶月留棲玉

茗花海島出來非族類莫沿名字錯相加

近有鳥來自番舶淡黃色

粵人亦以白燕呼之

白鳳雛同玉有瑕

見金華子雜編

嫩紅應妒杏交花社前相見

單衫換海外重來兩鬢華月地雲階新主第銀櫳珠閣
美人家生時不夢年時見怪比燕公福命差

羅浮萬壽藤杖歌

蓬島赤龍鬚百丈遠挾浮山肆排蕩羅浮山合赤龍往
遺鬚化藤挾山上太古仙人作奇想血痕離離劍在掌
風雨陰森鱗甲長落角摧牙成拄杖摩挲定有佺喬賞
葛鮑偕來仍嗣響神仙豈必全相仗一擲人間隨俯仰
山樵拾取偏鹵莽攜贈吾徒閱塵鞅手握靈蛇空想像
飛電著壁雲生幌鞭笞妖魔定慨慷纏根拔條直不枉

名山未到神先爽
攀躋藉君能勉強
濟勝具無心亦癢
素琴無絃屐幾兩
第恐之而復疇曩
桑海依然天地廣
忽覩煙霞辭世網
能否相扶適莽蒼

寄湯雨生參戎卽索作畫

聞道將軍不好武
一枝健筆寫孱顏
我正買山錢莫辦
憑君貽我畫中山

千里贈君雙鯉魚
年來清興復何如
無緣覲面如相識
鈴閣森嚴讀道書

葛亮風流有大名
綸巾羽扇一書生
將軍著色山中見
君定前身憚壽平

菖蒲澗與荔支洲一一登臨屬舊游我自友遲君去早
不然畫並訪羅浮

君曾宦
粵數年

題程青溪長卷

青溪遺老擅丹青衣鉢曾傳有性靈各具本來真面目
誰參一筆董華亭

著墨無多神自窘生綃欲溼語仍虛一邱一壑翛然異
爲有胸中百卷書

誰分平遠與幽深蹊逕無勞更苦尋萬壑千厓青不斷
此中仍有歲寒心

論書北海是吾師書法能令畫法奇寫到臥游圖五百

爭教老筆不紛披

漲墨浮烟次第刪三溪名直與僧閒蕭然遠寄誰分別
久在棲霞牛首間

此君亭待月

風雨聲原與竹宜老晴天氣月偏遲四圍寒玉天如水
萬綠蕭森又一時

輪與詩人鄭板橋風枝露葉寫生綃本無牕紙臨摹懶
萬影圖中度寂寥

相馬圖爲楊桂山都轉題

王良伯樂生何遲蹇馬款段黃金羈驂騑綠耳矜雄姿

低頭中坂同驅馳意氣俊逸非昔時
驂尾焦禿羣相欺俯噴仰鳴當告誰
我公善相云誰師穢雜驚輩占權奇
驪黃牝牡安知之槽棧芻秣情獨私
剪刷湯沐人猶疑有日執轡方教騎
瞬息萬里無不宜流珠噴玉風能追
都忘憑高復履危延首擢足嫺容儀
不然錫貢登赤墀迴立闐闐天風吹
竦躍驚矯如奔螭圉人太僕爭相窺
前有屬車後鸞旗規行矩步安可隨
超光趣景旋復遺此馬久服鹽車羸
相賞風塵端在斯畜同凡馬休鞭笞
蹇跼突非瑕疵按圖索驥古所嗤伏
波銅式猶相皮鼓車名馬今昌期千
金朽骨聞聲思此圖無亦同

庾辭嗚呼我公愛才天下知

哭謝里甫師

鶴雁旌旗縹緲間前身原是列仙班一家詞賦真無媿
蓋代才名特早還未絕絃歌偏好道已完婚嫁合歸山

師以十八日爲幼子娶婦十九日長逝

南中老輩凋零盡誰念風塵兩鬢

斑

風雨闌珊薤露歌玉樓天上足婆娑詞臣誰分江湖老
福命偏教著撰多詩畫書名均不朽去來今世竟如何

同脩職志成條例放失無因共網羅

時同脩邑志

題惲南田畫跋刊本四絕句

遠紹離騷得正聲江關蕭瑟庾蘭成毗陵六逸誰相抗
今日街頭識畫名

館築甌香賦白華畫釵猶說舊生涯稍償負米平生願
競賞徐熙沒骨花

風露花叢語太纖竹垞題畫論偏嚴原從經史尋根據
月著王翬一筆甜用二樵語

水村楊柳景偏多斷楮零縑盡網羅借韻風烟雪月者
諸侯席上敢摩挲先生贈王石谷詩自有雄談傾四座諸侯席上說南田

題柳蘼蕪巾帽鏡搨本三首

俊眼當年屬女郎相逢不作婦人裝素顏元髮俱如玉

清鏡功名淚幾行

黃門

子臥

碧血竟如何
禪榻疎蕪懶復磨
祇有兩人宜共

照龔家新寵顧橫波

特摹千本寄閒情
百韻詩成總負卿

婦人集錢何書續河東君築我聞室

以居之嘗於鴛湖舟中作百韻詩以贈

紅粉未應同入道

紅粉還能入道無牧齋句

人心膽尙分明

戲題羅兩峯鬼趣圖八首

分明相對倏迷離
苦霧冥冥月黑時
豈有英靈偏自晦
竟無形影究安之
本來面目誰曾識
似此行藏事可疑
獨怪幾人天日下
往還專奉汝爲師

第一幅

僕僕長途了一生殘衫破帽恨誰平
死猶有路仍奔走
貧卽無襦備使令
骨朽尙甘如僕隸
足胝曾否謁公卿
多應名紙毛生徧
剪作衣裳總不成

第二幅

生前眷屬死前因
話到微蘭假抑真
色色空空仍不信
生生世世果相親
情濃未覺香魂慘
事去難回朽骨春
願語寔中桑濮者
追隨同有白衣人

第三幅

陔移久別事茫茫
拄杖泉臺覓醉鄉
笑汝兩頭相去遠
依人一勺可分嘗
半生長技能低首
此藥何名作腐腸
或者昔年眞飽死
侏儒福本勝東方

第四幅

倚如脛骨插江中
膚髮淋漓碧血融
草木昂藏團慘綠

雲霞閃爍噴妖紅降魔或逕煩天帝住劫應難恕鬼雄
未必他人能再見花之行者萬緣空

花之寺名兩峯嘗自署花之行者第

幅五

存日同譏相不侯傲人偏恃戴山邱頭顱太重終蹉跌
心膽先摧敢逗遛邂逅自然先引避崔巍何以恣遨游

夜臺一例相欺壓除是騫騰得自由

第六幅

帟衣三寸溼模糊帟繖遮頭避得無何事夜煩同冒雨
稍晴人恐與爭途西牕况味生前共廣廈心情爾輩殊
月淡風恬渾未似本來蹤跡近穿窬

第七幅

藁葬荒山歲月深遺骸竟此理難尋如人立更如人語

具獸形兼具獸心妖氣豈甘長掩覆生機宜令雨銷沈
便投水火風原古却使爲魔直至今

第八幅

羅浮子日亭觀日出歌

未游泰山登日觀家近羅浮恣奇玩側聽天雞時一鳴
拄杖方臺夜剛半日輪不合大於山海天皆赤非等閒
火雲一燒八萬里鴻濛乍闢窺人間想見空濛劃天至
欲出不出天如避森羅星斗交相迎遊戲神仙悄無寐
陸離萬派生波光海亦如天相混茫山中草木變紅紫
况覲整轡升扶桑大地山河分兩戒此中尙隔神州界
徐看若灑露花寒湧現真虞雲葉隘一湧金光炫翠微

此身如逐火輪飛宛游赤城觀紫鳳欲詣絳闕朝金妃
嶺南自古日南地海日初生見原易沐浴珍寶何所需
呼吸精華豈吾事曾上西樵見日臺日光蕩蕩天門開
尙嫌所覲畧蒼蔚豈足與此爭崑隗艤舟亦過扶胥口
浴日亭邊夜攜酒山海奇觀一盡之此景當非八埏有
泰岱何年游屐停齊州九點煙冥冥半空純作黃金色
下界道人方夢醒

感事四首

羈縻久作太平民叢筍荒厓慘不春滋蔓却教連此地
徙薪誰信及閒人由來殉敵多驍將竟使籌邊到重臣

聞說

至尊宵旰甚軍門又覩節旄新

何妨直搗更長圍月黑兵喧觸箭機
鼠鬪穴中原已誤燕巢幕上竟能飛
綵繩銀盃頒鈴閣赤髀橫幫住翠微
五十邊圉前代設果無良策是還非

林壁盤紆不易行更從何處可連營
老師糜餉心難昧桀石投人命轉輕
始信火攻原下策曾云電掃祇先聲
元戎憂國頭如雪浪打潁陽恨未平

冥冥氛祲易銷沈况復親軍遣羽林
馮異終收嶠底捷馬援曾詠武溪深
差強人意如常度倘驗天時或悔心

此是 聖朝全盛日蛇妖蠶蠱總成擒

論 國朝人書絕句

古文鐘鼎合推尊

見頻羅菴集

燕子牋書殆不存便詆艱深

文淺陋千秋遺恨擬山園

王孟津

老葉禪心

見鮪埼亭集

筆最靈霜紅龕集況凋零怪他賸墨

八爭寶酷似高齊石佛經

傅青主

姿媚應推澹遠堂一生宗法董香光

見別裁集

論詩我愛查

初白墨妙君家復擅場

查聲山

也比文章蓋代雄湛園老筆總凌空頻羅菴裏金牋冊

較黑光長過不同

見頻羅菴集

姜西溟

佳處烏能軼五家強爲軒輊已先差

見頻羅菴集

秋泉居士

多沈著秋水長天愛落霞

汪退谷

論文名溢三家村書法誰言何義門論似句山偏嗜者

我朝第一強推尊

見紫竹山房文集何義門

刻意何如率意時涇南司寇擅神奇兩文敏後張文敏

左手書呈落葉詩

見茶餘客話張得天

翦林旗鼓足相當活筆能參始見長獨讓畫家論賞鑒

我朝書法有三王

孟津丹徒王良常

一空依傍見清真品到諸城總後塵卽獨論書當作相

百年相代恐無人

劉文清

張芭孔谷

論書兩札傳

見隨園詩話

劉梁合璧

見渤海詩傳

嗜終

偏書名自昔無真賞老子韓非傳合編

梁山舟

鍊門家法竟何如滄海曾經信匪虛書亦肖人端不易

風流倜儻禹卿書

王夢樓

品到南園要耐看工原不易拙尤難學顏兼學顏風範

特糾中朝第一官

錢南園

刺桐花歌

廣州今年旱無雨姹紫嫣紅問誰主木棉開罷刺桐開
半不知名浪矜詡無端山郭水村中十丈珊瑚照海紅
彤霞璀璨明如繡赤玉玲瓏琢倍工丹鳳摩空恣游戲

赤鸚矯翅仍相避恰當殘照也峻嶒偶著斜風偏斌媚
我聞此花不開竟十年絳葢萬孕賴堆天祝融噴火四
山赭亢旱禱雨心如煎又聞葉先花後主歲稔新綠纖
萌却遲甚麻姑粒米總成丹將軍大樹原如錦嶺外年
來不苦飢花落花開自有時會見淹旬雨如霰淋浪花
海猩紅滋共憩花陰動春酌一路紅芳到村落耕候花
時葉糞田對花倍想田園樂溪山如畫好歸耕花後花
先豈定評權相詞人均不愛此番花發兩陽平
丁謂詩
此憂民切只愛青青不愛紅王十朋詩
花先花後年年雨莫遣時人不愛紅

鸛鵒曲

魚莊好景是斜曛花雨空濛見一羣莫笑依人如海燕
漁郎生事總緣君

日日生涯傍釣磯得魚歸去復相依主人恩意知何似
風雨襤褸竟不飛

主人魚巨君魚小好註禽經特教忠不爲小環長挂項
千秋無此盡臣風

同是煙波一釣徒錫名端合喚漁奴蕭閒得似樵青否
細雨斜風興不孤

技勇由來欲賈餘揚鬚鼓鬣問何如相將便是屠鯨手
打盡滄溟跋浪魚

飛去飛來水滿陂相呼相逐捕魚時
大官一例收魚稅
未必微禽竟自知

數聲漁笛出花間
滿目江湖恣往還
折葦叢蘆都入畫
此身輪與白鷗閒

